

DIE XXI. JUNII.

235

30

FESTUM
S. ALOYSII
GONZAGÆ
CONFESSORIS.

DUPLEX.

In omnibus Regnis, & Locis, tum intra, tum
extra Europam Regi nostro Catholico subje-
ctis, ex mandato S. Rit. Cong.
die 26. Maii 1738.

*Omnia de Communi Conf. non
Pontif. præter propria.*

ORATIO.

Cælestium donorum
distributor Deus, qui
in Angelico Juvene Aloy-
sio miram vitæ innocen-
tiam pari cum poenitentia
sociasti; ejus meritis, &
precibus concede, ut inno-
centem non secuti, poeni-
tentem imitemur, Per Do-
minum, &c.

IN I. NOCTURNO.

De libro Ecclesiastici.

Lectio i. Cap. 31 & 32

Beatissimus vir, qui inven-
tus est sine macula; &
qui post aurum non abiit,
nec speravit in pecunia, &
thesauris. Quis est hic, &
laudabimus eum? Fecit
enim mirabilia in vita sua.
Qui probatus est in illo, &
perfe-

2
perfectus est, erit illi gloria aeterna: qui potuit transgredi, & non est transgressus: facere mala, & non fecit: ideo stabilita sunt bona illius in Domino, & eleemosynas illius enarrabit omnis Ecclesia Sanctorum.

R. Euge serve bone, & fidelis, quia in pauca fuisti fidelis, supra multa te constituam. * Intra in gaudium Domini tui.

V. Domine, quinque talenta tradidisti mihi, ecce alia quinque superlucratus sum. Intra in gaudium.

Lectio ii. Cap. 32. & 33.

Qui timet Dominum, excipiet doctrinam ejus: & qui vigilaverint ad illum, invenient benedictionem. Qui querit legem, replebitur ab ea: & qui insidiosè agit, scandalizabitur in ea. Qui timet Dominum, invenient iudicium justum, & justitias quasi lumen accendent. Qui credidit Deo, attendit mandatis: & qui confidit in illo, non confundetur. Timenti Dominum non occurrent mala, sed in tentatione Deus il-

lum conservabit, & liberabit à malis. Sapiens non odit mandata, & justitias, & non illidetur quasi in procella navis. Homo senatus credit legi Dei, & lex illi fidelis.

R. Justus germinabit sicut lilium. * Et florebit in aeternum ante Dominum.

V. Plantatus in domo Domini, in atris domus Dei nostri. Et florebit.

Lectio iii. Cap. 34.

Spiritus timentium Deum queritur, & in respectu illius benedicetur. Spes enim illorum in salvantem illos, & oculi Dei in diligentes se. Qui timet Dominum, nihil trepidabit, & non pavebit: quoniam ipse est spes ejus. Timentis Dominum beata est anima ejus. Ad quem respicit, & quis est fortitudo ejus? Oculi Domini super timentes eum, protector potentiae, firmitermentum virtutis, tegimen ardoris, & umbraculum meridiani, deprecatio offensionis, & adiutorium casus, exaltans animam, & illuminans oculos, dans sanitatem, &

vitam, & benedictionem.
R. Ille cognovit justitiam, & vidit mirabilia magna, & exoravit Altissimum: * Et inventus est in numero Sanctorum.

V. Ille est, qui contempsit vitam mundi, & pervenit ad caelestia regna. Et inventus. Gloria Patri. Et inventus.

IN II. NOCTURNO.

Lectio iv.

A Loysius, Ferdinandi Gonzagæ Castellionis Stiverorum Marchionis filius, festinato propter vitæ periculum baptismo, prius cælo, quam terris nasci visus; primam illam gratiam tam constanter retinuit, ut in ea confirmatus crederetur. A primo rationis usu, quo se Deo statim obtulit, vitam duxit quotidie sanctiorem. Novennis Florentiæ ante aram B. Virginis, quam parentis loco semper habuit, perpetuam virginitatem vovit; eamque insigni Dei beneficio, nulla mentis, aut corporis vana tentata servavit. Reliquas animi perturbationes coepit

ætate illa tam fortiter comprimere, ut ne primo quidem earum motu deinde incitaretur. Sensus etiam, oculos præcipuè, ita cohibuit, ut non modò illos nunquam in faciem intenderit Mariæ Austriacæ, quam plures annos inter honorarios Hispaniarum Principis ephebos ferè quotidie salutavit; sed à matris etiam vultu contineret. Homo propterea sine carne, aut Angelus in carne meritò appellatus.

R. Honestum fecit illum Dominus, & custodivit eum ab inimicis, & à seductoribus tutavit illum; * Et dedit illi claritatem æternam.

V. Justum deduxit Dominus per vias rectas, & ostendit illi regnum Dei. Et dedit.

Lectio v.

A Diecit sensuum custodia corporis cruciatum. Tria singulis hebdomadis jejunia, eaque plerumque modico pane, & aquâ tolerabat. Quamquam perpetuum fuisse per id tempus ipsius jejunium videri potest; cum

4
ejus prandia fermè vix un-
ciam æquarent. Sæpè etiam
ter in die se funibus, aut
catenis cruentabat: flagel-
la quandoque canum loris;
cilicia equorum calcaribus
supplevit. Mollem lectu-
lum clam injectis asserum
fragmentis asperabat, eo
etiam, ut citiùs ad oran-
dum excitaretur; magnam
quippe noctis partem, sum-
mâ etiam hiemæ, solo te-
ctus indusio, positus humi
genibus, vel præ languo-
re jacens ac pronus, in cæ-
lestium contemplatione
traducebat. Interdiù quo-
que tres, quatuor, quin-
que horas in ea perstabat
immutus; donec unam sal-
tem animo nusquam di-
stracto percurrisset. Cujus
constantia premium fuit
stabilitas mentis inter oran-
dum aliò non vagantis;
imò perpetuâ velut ecsta-
si in Deo defixa. Ei de-
mum ut unicè adhereret,
victis post triennale acer-
rimum certamen patre, &
aviti Principatus jure in
fratrem translato, Societa-
ti Jesu, ad quam cælesti vo-
ce Matrici fuerat accitus,
Romæ se adjunxit.

ix. Amavit eum Domi-
nus, & ornavit eum, sto-

lam gloriæ induit eum
* Et ad portas paradisi co-
ronavit eum.

v. Induit eum Domi-
nus lorica[m] fidei, & ornavit
eum. Et ad portas.

Lectio vi.

IN tyrocinio ipso virtu-
tum omnium Magister
haberi cepit. Exactissima
in eo erat legum etiam mi-
nimarum custodia, mundi
contemptus singularis, im-
placabile odium sui: Dei
verò amor tam ardens, ut
corpus etiam sensim absu-
meret. Jussus propterea
mentem à divinis rebus
tantisper avertere, occur-
rentem sibi ubique Deum
irrito conatu fugiebat. Mi-
râ etiam proximos chari-
tate amplexus, in publicis
quibus alacriter ministra-
bat, nosocomiis contagio-
sam luem traxit. Qua leni-
tè consumptus, die quem
prædixerat, undecimo Ka-
lendas Julii, ætatis anno
quarto & vigesimo jam in-
choato, cum antea flagel-
lis cædi, atque humi strac-
tus mori postulasset, mi-
gravit in cælum. Ibi eum
S. Maria Magdalena de
Pazzis tantâ frui gloriâ
Deo

Deo monstrante, vidit, quantam vix esse in celo credidisset; ipsumque sanctimonia insignem, & charitate martyrem incognitum fuisse predicavit. Multis etiam, magnisque claruit miraculis. Quibus rite probatis, Benedictus XIII. Sanctorum fastis Angelicum Juvenem adscripsit, atque innocentiae, & castitatis exemplar, simul & patronum studiosae praesertim juventuti dedit.

R. Iste homo perfecit omnia, quae locutus est ei Deus; & dixit ad eum: Ingredere in requiem meam: * Quia te vidi iustum coram me ex omnibus gentibus.

v. Iste est, qui contempnit vitam mundi, & pervenit ad caelestia regna. Quia te vidi. Gloria Patri. Quia te.

IN III. NOCTURNO.

Lectio Sancti Evangelij secundum Matthaeum.

Cap. 22. v. 29.

In illo tempore respondens Jesus, ait Saddu-

cais: Erratis nescientes scripturas, neque virtutem Dei: in resurrectione enim neque nubent, neque nubentur; sed erunt sicut Angeli Dei in caelo. Et reliqua

Homilia Sancti Joannis Chrylostomi.

Lib. de Virginitate.

Lectio vii.

Virginitas est bona, id ego quoque fateor. Atqui nuptiis etiam melior; & istud tibi assentior; ac si libet, illud adjungam; tanto nuptiis eam praestare, quanto caelum terrae, quanto hominibus Angeli antecellunt; ac, si quid praeterea audendum est, etiam magis. Nam si neque nubunt Angeli, neque uxorem ducunt; non etiam carne, & sanguine coagmentati sunt: in terris praeterea non commorantur; non cupiditatum, aut libidinum perturbationibus sunt obnoxii; non cibi indigent, aut potus; non sunt ejusmodi, ut eos dulcis sonus, aut cantus mollis, aut praecleara species possit allicere; nulla denique ejus generis illecebra capiuntur.

168
Iste est, qui ante
Deum magnas virtutes
operatus est, & de omni
corde suo laudavit Domi-
num: * Ipse intercedat
pro peccatis omnium po-
pulorum.

Ecce homo sine
querella, verus Dei cultor,
abstinens se ab omni ope-
re malo, & permanens in
innocentia sua. Ipse inter-
cedat.

Lectio viii.

AT humanum genus,
cum natura beatis
illis mentibus inferius sit,
omni vi, studioque con-
tendit, ut quoad eius fie-
ri potest, illas assequatur.
Quomodo? Non nubunt
Angelis, at neque etiam vir-
go. Assistentes illi semper
ad Deum, eidem inter-
viunt; & istud ipsum virgo.
Quod si virgines, quam-
diu corporis onere depri-
muntur, quemadmodum
Angeli in caelum nequeunt
ascendere; illud eo vel ma-
ximo solatio compensant,
quod modo spiritu, & cor-
pore sancti sint, caeli Re-
gem recipiunt. Vide ne
virginitatis praestantiam?
Quomodo terrarum inco-
lae sic afficiat, ut qui corpo-

re vestiti sunt, eos incorpo-
reis mentibus exaquet?

Sint lumbi vestri
praecincti, & incertae ar-
dentes in manibus vestris.

* Et vos similes homini-
bus expectantibus Domi-
num suum, quando rever-
tarut à nuptiis.

Vigilate ergo, quia
nescitis, quâ hora Domi-
nus vester venturus sit. Et
vos. Gloria Patri. Et vos.

Lectio ix.

QUâ enim, quæso, re
differebant ab Ange-
lis Elias, Eliseus, Joannes,
veri hi virginitatis amato-
res? Nulla nisi quod mor-
tali naturâ constabant.
Nam cætera, si quis dili-
genter inquirat, hi nihilo
minus affectu reperientur,
quàm beatæ illæ mentes;
& id ipsum, quo inferiore
conditione viderentur es-
se, in magna est eorum
laude ponendum. Ut enim
terrarum incolæ, & ii qui
essent mortali naturâ, pos-
sent ad illam virtutem vi-
& contentione pervenire;
vide quantâ eos fortitudi-
ne, quantâ vitæ ratione
praeditos fuisse oporteat.
Te Deum.

Missa

Missa propria: Minui-
sti eum.

In 2. Vesp. Commemorat.
S. Paulini Episcop.

7
298

HISPANIARUM.


Delatis ad Sanctissimum Dominum nostrum Clementem Pa-
pam XII. ab Eminentissimo, & Reverendissimo Domino
Cardinali de Aquaviva piis Catholica Majestatis precibus, ut
festum Sancti Aloysii Gonzagæ, cujus mira sanctitas nusquam
clarius, quam in ejus Aula, cum ibi puer honorarium Ephe-
bum ageret, enituit, unâ cum Officio, & Missa variis Regnis,
& Provinciis, ac toti Italie sub ritu duplici minori jam concessum,
ad Regna quoque Hispaniarum sub eodem ritu extendere Apostolicâ
authoritate dignaretur: Sanctitas sua, attentâ peculiari devotione
tum Majestatis suæ, tum Regnorum ejus, etiam in partibus In-
diarum erga dictum Sanctum Aloysium, ob multas tam tempora-
les, quam spirituales gratias, quas ad ejus intercessionem illuc,
ut & in reliquas Christiani Orbis partes Divina largitas effundere
pergit, piæ hujusmodi petitioni benignè annuens, Missam, &
Officium proprium pro Societate Jesu approbatum in festo ejusdem
Sancti, die videlicet 21. Junii, sub ritu duplici minori ab uni-
verso Clero Seculari, & Regulari, utriusque sexus in Regnis om-
nibus, & locis, tum intra, tum extra Europam prædicto Regi
Catholico subjectis, in posterum recitari, & respectivè celebrari
mandavit. Die 26. Maii 1738.

Carolus, Cardinalis de Marinis,
Præfectus.

Loco ✠ Sigilli.

F. Patriarcha Hierosolymitanus,
Secretarius.

En el nombre de Dios Amen. Yo, Don Juan de...
Secretario de su Magestad.



HISPANIARUM

Dignissimo D. Don Juan de...
Secretario de su Magestad.
Yo, Don Juan de...
Secretario de su Magestad.
Yo, Don Juan de...
Secretario de su Magestad.
Yo, Don Juan de...
Secretario de su Magestad.

Caracas, Universidad de Maracaibo.

En fecho...

Loco de sigillo

F. Ramirez de Villavieja

Secretario